

佛說長壽王經

開元錄云安祐三錄並失譯師今附西晉第三出

聞如是一時佛在舍衛國祇樹給孤獨園爾時佛告諸比丘昔者有菩薩爲大國王名曰長壽王有太子名曰長生王以正法治國無刀杖之惱不加吏民風雨時節五穀豐饒有隣國王治行暴虐不修正法國民貧困謂傍臣曰我聞長壽王國去是不遠熾饒富樂而無兵革之備我欲今往攻奪其國爲可得不得傍臣對曰大善遂興兵而來到長壽王國界界上吏民走行白王彼貪王興兵而來欲攻明王之國惟願預備長壽王即召群臣而告之曰彼所以來者但貪我國人民倉穀珍寶耳若與其戰必傷害吾民夫諄國殺民吾不爲也群臣曰臣等皆曉習戰法必能勝彼不

使明王之兵爲彼所侵也王曰若我勝彼即有死傷彼兵我民俱惜壽命愛我害彼賢者不爲也群臣不聽留王於宮乃自相與於外發兵出往界上逆而拒之王告太子長生曰彼貪我國故來攻我今群臣以我故欲逆拒之夫兩敵相向必有缺傷今欲與汝俱委國亡去太子曰諾即父子共踰城而出幽隱山間於是貪王遂入其國募求長壽王金千斤錢千萬誰能得者長壽王後日出於道邊樹下坐有遠方婆羅門來亦息於樹下問長壽王曰卿何處人何緣在此王曰我此國中人民偶來到此戲耳長壽王問婆羅門曰賢者從何所來將欲所至婆羅門曰我遠方貧鄙之道士也遙聞此國長壽王好喜布施賑極貧窮吾故遠來欲從乞用自生活不知王意

於今云何卿是國中人聽聞其意於今何如
故肯布施不王默然自念子用我快故從遠
來值我失國到無所得而當空去甚可哀念
於是王乃涕泣而謂婆羅門曰我即是長壽
王也有他國王前來攻我我委國亡來隱藏
此間今賢者故來相歸值我困乏無以相副
將奈之何兩人相向哽噎啼泣王曰我聞新
王募我甚重卿可取我頭往可得重賞婆羅
門言我遙聞大王周救一切故來乞食庶得
幾微以養餘命值王失國自我薄福今教斷
頭不敢承命王曰卿故遠來欲有所得值我
困窮無以相副且人生世皆當趣死以身相
惠何爲辭讓之也今若不取後有來者我猶
與之不如早取婆羅門曰我不忍殺大王大
王若有弘慈之意必欲殞命以相惠施者但

當散手相隨去耳王即隨去到城門前而令
縛之以白貪王王即酬婆羅門金錢之賞遣
令還去貪王於是乃使人於四街道頭燒殺
長壽王王故群臣白貪王曰此臣等故君今
就終歿之罪願得爲設微具以遣送之貪王
聽之群臣具饌哽噎臨之人民觀者皆言王
枉死郭邑草野莫不呼天太子長生時出道
邊聽聞人語知父爲貪王所得乃律擔樵薪
出於市賣之間聞人中當父前立觀見父當
死心中悲疾父見長生恐其瞋恚爲父報怨
父乃仰天歎息曰夫爲人子欲爲至孝使汝
父樂死而不懷恨慎無爲汝父報怨則汝父
樂死而不憂也若違父言而行殺他人者即
令汝父死有餘恨長生不忍視其父死因還
入山長壽王遂就燒死之誅長生久後思念

我父仁義深篤至死不轉而此貪王無狀不別善惡枉殺我父雖我父有慈惻淳仁之心死而不恚然我不能忍也我不出殺此貪王者我終不苟生於世矣遂出傭賃國中大臣徇園於市賃人得長生使種菜種菜甚好後

幸十

十三

日大臣案行園田見菜甚好呼問園監監對曰前賃得一人使爲之故好如是大臣因呼長生問之卿頗能作飲食不曰能作便使作飲食飲食甚甘美因以請王往臨飲食飲食甚美王因問誰作此食者大臣對曰前賃得一人能作此食王遂呼錄將歸官中使作飲食後日王問長生汝寧便習兵法不對曰實便習之王因取置邊而告之曰我有怨家是長壽王子恒恐行來卒與相逢今相恃怙卿幸相助備之長生對曰唯然當爲大王展力

効命後日問長生汝寧好射獵不對曰臣少小好獵王便勅外嚴駕因與長生共行遊獵適入山林便見走獸王與長生馳而逐之轉入深山或失道徑迷惑三日不得出路遂至飢困王下馬解劔以授長生曰我甚疲極汝坐我欲枕汝膝卧長生言諾王便得卧長生自念我前後以來求索方便今日已得我所願便拔劔欲殺貪王念我父臨死之時囑我慙慙奈何快我愚意而違慈父之教非孝子也即內劔而止王便驚寤告曰我夢見長壽王子欲來殺我我大驚怖何以如此長生曰此山中有強鬼神見大王在此故來恐怖大王耳臣自侍衛王但安卧無所畏懼也王即還卧長生復拔劔欲殺之重憶父言復止王復驚寤告長生言我復夢見長壽王子故欲

來殺我大畏之何以爾也長生曰是山神所爲耳王無所畏懼也王復還卧長生復拔劍欲殺之思惟父言復止遂棄劍於地無復殺王之意王復驚寤告長生曰復夢見長壽王子自言原意不復殺我於是長生曰我即是長壽王太子長生也我故實來出欲殺大王以報父讎耳念我父臨死之時慙慙囑我不欲使我報怨而我愚癡故違父之言詳思父教懇惻慙慙不敢違之是故今投劍於地以順父言雖爾猶恐後日迷惑失計而違亡父之教今故自告願大王便誅伐我身早滅其惡意可使終始絕斷王乃自悔曰我爲兇逆不別善惡賢者父子行仁淳固至死不轉而我貪酷初不覺知今日如是命屬于手子故懷仁惟憶父言而不相害誠感淳潤今欲

還國當從何道長生言我知道徑前故來者迷惑大王欲報父讎耳長生遂與王俱出林外便見群臣散滿林際王便止坐施設飲食王問群臣卿等寧識長壽王子長生不中有不識者對曰不識中有識者昔受長生恩恐

王殺之亦言不識王便指示言是即長生也

王曰從今日始我自還故國願以此國還付太子自今以後卿爲我弟若有他國來相侵奪當相救助王遂引率臣兵歸其本國國有奇珍更相貢遺佛告諸比丘時長壽王者我

半十

十五

身是也太子長生者阿難是貪王者調達是調達與我世世有怨我雖有善意向之故欲害我阿難與之本無惡意故至相見即有和解之心菩薩求道勤苦如是至見賊害無怨恚之意自致得佛爲三界尊諸比丘歡喜爲

佛作禮

佛說長壽王經

音釋

肪甫良切 萎於爲切 掩於儉切 黯乙減切
別疾陵切 椎直追切 繚落蕭切 纏然傷切
貌帛也 擊直追切 戾落蕭切 跖計切
曲若官切 阿嬰倚可切 跖計切 跖計切
也股間也 鵠鵠弱也 跖計切 跖計切
火行不正也 鵠鵠弱也 跖計切 跖計切
踐我領側也 鵠鵠弱也 跖計切 跖計切
乞太切 貧乃禁切 鵠鵠弱也 跖計切 跖計切
也儕儕也 鵠鵠弱也 跖計切 跖計切